



Broj: 01,03,03/11-05-1-106/18

Sarajevo, 9. 2. 2018.

**KOLEGIJIMA OBA DOMA PARLAMENTARNE SKUPŠTINE BiH
KOMISIJI ZA VANJSKE POSLOVE PREDSTAVNIČKOG DOMA
KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I
KOMUNIKACIJE DOMA NARODA
ČLANOVIMA DELEGACIJE PSBiH U PARLAMENTARNOJ SKUPŠTINI UNIJE
ZA MEDITERAN
KOLEGIJU SEKRETARIJATA**

**IZVJEŠTAJ SA SASTANKA KOMITETA ZA POLITIČKE POSLOVE, SIGURNOST
I LJUDSKA PRAVA PARLAMENTARNE SKUPŠTINE UNIJE ZA MEDITERAN
(PSUzM)**

Strazbur, 7.2.2018.

Na poziv **Renata Sorua**, predsjedavajućeg Komiteta za političke poslove, sigurnost i ljudska prava Parlamentarne skupštine Unije za Mediteran, 7.2.2018. održan je sastanak Komiteta u Strazburu. U ime Parlamentarne skupštine BiH učestvovali su članovi **Delegacije PSBiH u PSUzM Hazim Rančić**, predsjedavajući, i **Diana Zelenika**, zamjenica predsjedavajućeg.

Renato Soru istakao je da je glavi cilj sastanka otvorena rasprava o sigurnosti u Mediteranu i ono što je potrebno je uključivanje parlamentarnih predstavnika u razne projekte koje Evropska unija provodi u regionu. Soru je istakao da se radi o pripremnom sastanku za 14. plenarno zasjedanje Parlamentarne skupštine Unije za Mediteran. Podsjetio je na to da je tema koju je izabrao Parlament Egipta, a koji 2018. godine predsjedava Parlamentarnom skupštinom Unije za Mediteran: „Borba protiv terorizma i vjerskog radikalizma“, vrlo kompleksna i značajna, te da se odnosi na sve zemlje u regionu. Osim toga, u vezi s doprinosom 14. plenarnom zasjedanju, Soru je upoznao prisutne o tome da će biti uzeta u obzir rasprava sa sastanka, nakon kojeg će biti izrađen Nacrt rezolucije o kojem će se raspravljati na sastanku Komiteta za političke poslove, sigurnost i ljudska prava PSUzM u aprilu, u okviru plenarnog zasjedanja. Nacrt rezolucije bit će dostavljen u narednom periodu, kako bi učesnici mogli uložiti amandmane.

Zuhair Sanduqa, zamjenik predsjedavajućeg Komiteta, govorio je o teškoj situaciji u kojoj se nalazi narod u Palestini, koji je ponižavan, ubijan, proganjan iz svoje zemlje, te povodom toga pitao šta Skupština namjerava preduzeti kako bi se zaustavili konflikti i zadovoljila pravda napaćenog palestinskog naroda.

Član Parlamenta Republike Turske podsjetio je na konflikte i nestabilnosti u državama kao što su Sirija, Palestina, Libija, Irak, Liban, zbog čega se njegova zemlja suočava s problemom miliona izbjeglica. Zbog toga su i cijeli region i okolne granice postali nestabilni, što nije samo problem Turske, budući da su njene granice blizu granica Evropske unije. „Trebamo Evropsku uniju koja bi imala mnogo aktivniju ulogu i učinila sve što je moguće kako bi se uspostavili mir i stabilnost.“

Miguel García-Herraiz Roobaert, zamjenik generalnog sekretara Unije za Mediteran, upoznao je prisutne o inicijativama koje je ova organizacija preduzela u proteklom periodu. Glavni cilj je rad na utvrđivanju uzroka nastanka terorizma. Nabrojao je neke od glavnih projekata Unije za Mediteran: obrazovanje, pitanja mladih, zapošljavanje, osnaživanje žena, zaštita voda i okoliša. Naveo je primjer projekta za obrazovanje koji su organizirala 43 ambasadora, koji predstavljaju zemlje članice Unije za Mediteran. To je kolektivno zalaganje kako bi se u školske knjige uvelo sprečavanje govora mržnje. „Također, povodom problema osnaživanja žena, organizirali smo konferenciju u Kairu prošle godine, što ćemo uraditi i ove godine u oktobru. Ipak, program mladih prioritet je Unije za Mediteran.“

Pripremila¹:

Lara Borovina,

sekretar Delegacije PSBiH u PSUzM

Dostaviti:

- naslovu
- Ministarstvu vanjskih poslova BiH
- a/a

¹ Uz odobrenje predsjedavajućeg Delegacije PSBiH u PSUzM